

巴陵縣志卷之二十八

藝文

國朝

凡二百  
二十首

中秋夜洞庭湖對月

查慎行

長風驅雲幾千里雲氣蓬蓬天冒水風收雲散波忽  
平倒轉青天作湖底初看落日沉波紅素月欲升天  
斂容舟入回首盡東望吞吐故在馮夷宮須臾忽自  
波心上鏡面橫開十餘丈月光射水水射天一派空  
明互迴盪此時驪龍潛已深目眩不敢銜珠吟巨魚  
無知作騰蹕鱗甲閃爍翻黃金人間此境知誰必快  
巴陵縣志

卷之二十八

藝文

一

意翻從偶然得遙聞漁父唱歌來始覺中秋是今夕

泛洞庭湖

陸次雲

大浸數五湖莫大乎洞庭時當春夏交雪融水氣蒸  
仰視但有天與波同一青茫茫六合中不見大塊形  
三老弄洪濤澎湃意所輕至此乃敬慎風正始揚舲  
同舟色俱靜半帆容與行此中有楠木千載成英靈  
出沒每不時異響令人驚舟婦散紙錢徐徐乃就平  
死生呼吸間宴坐猶兢兢吁嗟縹緲中難測鬼神情  
或問傳書事心知不敢應

湘夫人祠

唐朝柱

爲探黃陵蹟停舟湘浦湄明禋崇廟食幽怨繞靈□  
雲水蒼梧斷風霜碧漢知淒涼憑四顧何處覓韓碑

臨洞庭

林植

浩蕩深無際蒼茫望不窮山川何處辨舟楫若浮空  
浪捲秋風白波涵夕照紅迢迢武陵路遠在暮雲中

湘夫人祠

施閏章

帝子蒼梧望荒祠楚水湄湘雲搖珮帶嶽雨送旌旗  
夜靜魚龍入情深草木知維舟尋往跡春蘚沒殘碑

見斑竹

施閏章

碧玉森森綠水灣風鳴環珮滿湘山遊人自酒離愁

巴陵縣志

卷之二十八

藝文

二

淚不是當年舊淚斑

過洞庭湖

施閏章

春半洞庭漲風驅萬櫓開蛟龍橫楚粵島樹割蓬萊  
軒帝乘雲去湘妃鼓瑟回白蘋鷗浩蕩芳杜水滌洄  
蜃市朝曦暗珠帆夜月來氣連南嶽霧濤駭北溟雷  
天地滄洲盡江湖畫角哀中宵呼屈宋千古一徘徊

平滇雅三篇

一綠

岳湖逐寇也

陳廷敬

岳湖洋洋我武洸洸謂南有藩無敢撼我疆岳湖滔  
滔我武囂囂謂南有藩無敢闕我郊一章一我疆大矣我  
圉溢矣芽蘖其間竦棘合蝟昔我南藩化爲異類二章

帝如兩大以覆以載推食以食解衣以衣遷之□□  
勿翦勿拔章三彼惟狂昏狡焉生心肆爲誅首啟戎于

南如螳奮臂如蚋決背首仰臆張如豕斯驚章四惟

帝咨嗟惠威是崇薄徃禽之孰佐予功予矜下民救

此一方取其殘凶是類是造禡于臨衝章五楛矢敦弓

我弓我矢靡旌摩壘兵無遺鏃耕無失耜天塹茫茫

限此江水旣斷其趾且斬其頰章六盜負險阻距趯躍

踉颯飛飢歛羽翅以張侯在太白占於天狼我涇我

隴是震是驚章七維彼閩粵波蕩海垠帝屢下顧哀

此墊昏盜徃連結倚以父母乃餌乃誘乃爲盜守章八

巴陵縣志

卷之二十八 藝文

三

帝援天矛鍛羽截鱗嶺海革面蒙羞來臣禽賦于威

柔肌于恩盜失厥助飛魄殞命章九老雄野死梟雛棲

棲巢湖飲海傾搖於波爾居艱隄我步透遲大袒高

驤賊馬遁逃章十洞庭湯湯岳陽峩峩載驅載馳爰拔

厥家章十一惟人歸德惟帝之謨窮經窟宅是翦是

屠我武輝耀式廓鬼區百蠻萬國僉我來蘇章十二

己未二月二日午門聽宣岳州大捷遇雪恭紀

周宏

荆南奏凱達神京曉闢天閭瑞雪明朱鷺饒歌翻郢  
曲玉龍銀甲灑春城貂裘尙憶軍前賜鶩鴨曾喧夜

半聲自此江湖空戰壘豐年有象課深耕

黃陵廟

徐葆光

翠帷玉佩問湘娥夕悵佳期憶九歌寂寞荒祠叢竹  
淚西風吹作洞庭波

送道階和尚入主君山

王岱

飄然烟水興悠哉一衲千峯自往回直路不教婆子  
勘草鞋唯許趙州猜沿溪流葉尋源入分榻停雲撲  
面來欲訪梅花巖雪後好煨半芋撥寒灰

岳陽樓曉望

劉肇國

曉上岳陽樓朝光一鏡收遠峯星點落小渚露華流

巴陵縣志

卷之二十八

藝文

四

浩蕩渾元氣空明最上頭君山當几案葱鬱作神州

城陵磯

程封

爲問湘陰道行行定隔年鼃鼃吹白浪蘆葦亂青天  
纜曳危磯岸風隨下水船祇應沽濁酒愁坐岳陽邊

洞庭秋和詩三十首

錄三

石鯨

長安人有持些庵此詩問余洞庭之氣何如  
余曰洞庭有伯氣而無王氣有僊氣而無富  
貴氣人謂知言一夜引燭和此卻寄洞庭人

久憶洞庭湖水東五年不見老文通此時秋水正無  
賴當日扁舟宛在中亦旣倦遊悲夕鳥何堪舉目送

歸鴻軒轅樂器淪亡盡尙有湘妃一解桐  
我原卽是古元彝玉簡金書付與誰若問魚龍安有  
夜請看鴻鴈到何時三千世界有如水十五國風無  
此詩汨沒左徒及太傅可憐半黠半爲癡  
湖中大水賈生痕天上孤雲屈子魂愁苦備嘗徒骨  
立聰明用盡失胚渾上林漫有二三賦雲夢安能八  
九吞我實胸中無芥蒂車前不輕後難軒

湘妃祠

唐懋淳

殿圯龍蛇臥碑殘蝌蚪斜山雲常渡水谷鳥半迷沙  
牧笛吹香草漁歌唱落花行吟何復憾鼓瑟慰咨嗟

巴陵縣志

卷之二十八

藝文

五

夜渡洞庭

楊州彥

湖濶含風廣輕帆斜可張客心搖暮樹魚浪駭孤檣  
月上臨波碎星低入水長夜寒秋較老遙憶芰荷裳

宿洞庭

趙良樵

日暮征帆歇孤舟雜鴈羣湖平湘水盡雲斷楚天分  
江霧迷芳戍漁燈映夕曛浮生飄萬里尙泊在江濱

岳陽道中

唐世徵

三閭祠下草萋萋竹兔山鷄掠馬蹄儘有征人迷問  
渡一肩曉色向寒溪

贈無塵還岳陽

徐芳

崎嶇白足走雲泥湖水烟東湖水西錫住頻施蚊蛭  
食盂空厭切講堂梨箇中色相人皆佛定裏禪鋒殼  
是鷄鐵笛道人同此意岳陽樓畔故栖栖

庚子秋過洞庭漫賦

李旭白

向聞洞庭濶今在水中央一碧聯空淨千山落渺茫  
舟輕風怯重楫短濟驚長蕩漾同鷗汎翱翔接鴈行  
文章傳屈賈雲物感英皇今古升沉異乾坤節序常  
風流懷往昔沾酒醉斜陽

登樓望君山

李旭白

巴陵勝概盡湖光一點君山縮夕陽秋入洞庭誰共  
巴陵縣志

卷之二十八

藝文

六

醉隔江遙憶酒泉香

君山寺

孫祺鼎

來尋湘妃廟遂憇君山寺仄徑旣宛委陰崖亦殊異  
龍宮遶萬壑瑤殿圍雙髻空朦梵日臨掩映祇林蔽  
欹字半頽落迴廊莽闕闕憑虛佛榻幽倚石禪堂邃  
臺瞰軒帝遺甕留孟公識地遠興故饒情高迹仍繫  
落日含水曲回雲度湖際停橈傍漁舟張筵分友位  
暮景垂星河晨曦靄蒼翠蕭然一宿餘解纜非吾意

遊君山徧覽諸勝戲效長吉體書壁

花湛露

錢塘一怒捲千尺雲夢片時傾八百橫展龍宮水晶  
簾直通碧落鬱蕭宅赤沙繪錦都梁香銀浦浴日雲  
母射帝子哭老蒼梧秋仙人吹湧洞庭澤肥汀綠影  
成花洞古井陰雲出草隙弔古書懷擬殺青讀騷洒  
酒呼芳魄滿岑羊角飽山僧數畝紫茸供過客隔水  
樓搖蜃拍浪倚山亭寂螺分碧巫山蜀雨看沉沉吳  
頭楚尾長莫莫雨工牽率走何方木奴猶帶釵痕色

書仙梅亭

花湛露

堅貞一片不可轉梅傲而寒兩相善不共林間鬪雪  
霜疎葢斜枝自微顯何人濡墨漬雲根空爾色香成  
巴陵縣志

卷之二十八

藝文

七

白戰衆梅馥馥供春王元精璀璨紅玉輒此獨含姿  
發石理鐵骨支撐湘水面揚州別有法曹春灞橋徒  
策雪中蹇飄飄者仙樓亦去樓去梅存猶共闡莫向  
人間問開落年年孤臥隨亭鍵夜月瀟湘水淺清美  
人光影自懷卷石亦不頑花不隕空教百卉爭姑洗  
此是江南第一枝看花沽酒將裘典

初夏登岳陽樓吹韻

花湛露

樓倚西城宅倚樓青螺雪浪眼前收玻璃全裹天無  
地溟滓常蒸夏欲秋平展鮫綃供海藏雄皺水墨壓  
丹邱凭闌摸索尋高韻吳楚東南句未酬

登岳陽樓望湖

李 憭

濕雲捲天際遙望失其岸東瞻極郢水北眺迴燕甸  
情懸漢上魚目送衡陽鴈飄飄仙何去捫碑徒漫漶

洞庭秋三十首

三錄

駱化麟

水石天山未有違主人何事幾番非樂張僅有青簑  
笛血戰惟存赤樹旂玻碗碧痕隨鶩睡冰壺晶日照  
魚肥秋聲處處雖堪賦偏到湖空思不饑  
葵紫柑黃草欲元空明擊楫小山川兩丸出沒皆於  
內四郡橫袞各附邊風靜一平觀斗鏡雨來千里種  
魚田華州道士常遊此好贈南華秋水篇

巴陵縣志

卷之二十八

藝文

八

火墜明夷氣不蒸蕭蕭億丈可眸凝冰除垢膩開妃  
鏡日射琉璃作佛燈澤畔姊歸因弟放蒼梧人杳怨  
天崩授衣但有長蓑在好向林磯一下醫

憶君山

李嘗之

百年榛莽憶重開妝點纔施我到來棚下葡萄撐夜  
雨爐中豆粒爆寒灰饑時贈縞兼遺栗亂後分金屢  
寄梅一會靈山今散去法王何日再登臺

重登七賢祠懷連使君

李嘗之

君山開後使君行未了祠堂一額橫過客誰能三不  
朽聞風興起七先生異時梁國存員札斯際嚴灘□



甲兵別去雙魚莫予寄浮沉大抵付殷卿

君山雜詩四首

一錄

李嘗之

潭面眞如夢得詩蓬瀛亦許子京詞欲尋石穴通吳會時向花宮問住持

君山大士閣紫薇

李嘗之

曾向黃昏對掌麻何緣枝葉近袈裟定知往昔中書省發願來爲供佛花

感秋次彭何稱韻

尹士潮

魚龍影落洞庭秋天際空涼鴈字酬湘雨夜添雲夢澤嵐暉朝映岳陽樓幾家帶月砧猶急萬里餘烟筆未投回首蓼花紅澹處不堪惆悵滿孤舟

巴陵縣志

卷之二十八

藝文

九

洞庭阻風

張世謙

朦朧烟雨洞庭湖一藐江東大小孤雲氣亂流山白遠封姨作惡客多虞全空秋樹悲荒落高掠冥鴻聽有無已近長沙清絕地不須重憶輞川圖

岳陽樓觀馬元戎家樂

楊翔鳳

岳陽舊酒醉仙翁不識今朝誰作主年來頂突衣衫裂那知長袖堪歌舞岳陽城下錦如簇歷落風塵破聾瞽秦筑楚語越箜篌種種傷心何足數將軍肘印壓臂斜狂來短笛引胡笳一曲長歌問湘水莫教憔悴

悴東園花貌虎千羣壯聲施嘒嚙城頭排午衙山川  
浩渺鳥飛絕流離賤子更無家

登岳陽樓

楊翔鳳

岳陽春正曉萬里一江平天到湖頭盡山從水面生  
遠帆搖日落短几摘星明醉後休狂叫蛟龍恐自驚

秋夜泛舟

楊翔鳳

落日滿長蕪乘舟到五湖家隨流水住帆向晚風扶  
浩氣平吞楚江聲半入吳瀟瀟楓樹裏秋色泛醅酥  
君山夜棹

楊翔鳳

扁舟滿載夕陽峯八百烟波入望重乘興歸來僧睡

巴陵縣志

卷之二十八

藝文

十

穩狂歌夜月扣禪□

過岳陽故廬

楊翔鳳

戰場此日傍城開憔悴於今有落梅野閣不知誰是  
主故人無意問仙臺

洞庭秋

楊升

讀郭些庵先生洞庭秋若烟波在我几席湖  
白秋深愁縷百結非有心人不能作亦不能  
讀固知先生有先生之洞庭秋猥云續貂耶  
追索湖秋寄懷先生敢步韻三十首

錄二

滿湖空翠着無痕浪鼓巒奔攬半渾始信岳陽波易

撼已知雲夢氣能吞寒砧幾動騷人賦野哭空憐月  
夜魂回首瀟湘歌舞地朱纓大纛占高軒  
黍離悲後益殷憂虛白湖光送遠眸已老蟬聲鳴舊  
憾半黃梧葉下新愁風高天際眠雲客塵敝崖根釣  
月裘眼底素交零落盡不堪桂楫破清秋

洞庭

鄧林尹

漠漠渺無際茫茫彌不窮天維全在水地極忽爲空  
積氣和雲白浮光漾日紅沸騰驚破浪出沒看飛蓬  
青漢頻聞鶴橫波每渡鴻君山歸一點衡嶽矣層嵒  
神鳥能迎櫂江豚解拜風霞明千里灼霧隱萬波濛

巴陵縣志

卷之二十八 藝文

十一

不泛馮夷窟安知神禹功虞巡從此逝秦火至今烘  
鐵笛音何韻桃源路可通玉輪開碧落冰鑑燭蛟宮  
浣手揉星斗鳴橈破昊穹石尤聲倏怒澤國勢彌雄  
黃鵠翔樓下青蛇在袖中我無今昔恨長嘯揖仙翁

晚泊洞庭

游雲移

扁舟夜泊洞庭裏爲應相知書一紙岸上酒帘捲暮  
風秋燈漁火照江水湘君環珮冷空山青螺堆處浪  
花起白蘋鷗鷺宿沙汀伴我飄蓬人起止

遊君山

胡士璘

長江鋪白練分走荆吳派具區納羣流襟帶三湘界

太虛裹鴻濛元氣溢沆瀣隱隱鴈飛遲颯颯帆度快  
風來豚拜浪雨過鷗驚絳神龍作淵都豈復數鱗介  
珠光照水府不受白日晒有時湛明鏡君山青一塊  
煙中樹若莎波上舟如芥勝概足留人遊客偶相邂  
赭樹驕更焰綠橘待秋賣我性好遊覽夙負雲水債  
人生亦何爲世故自拘械捫蘿出斜徑酒香亭未壞

登岳陽樓望君山

胡七璘

大國洋洋見楚風倚闌搔首話朝宗雲間翠點湘陵  
出象外冥涵禹甸封天地畫圖摩詰筆東南氣槪子  
京胸何時一棹君山上數徧亭臺十二峯

巴陵縣志

卷之二十八

藝文

十二

湘中絃

馬位

水宮仙子湘江妃芙蓉裳兮芰荷衣張翠蓋兮搖雲  
旗月光蕩漾烟霏霏采芳洲之蘅杜弄明珠於澧浦  
老鼉擊鼓羣蛟舞洞庭波兮秋風若有人兮蒼茫中  
九疑山青雲夢綠千年血淚啼斑竹

讀水經注懷洞庭

李敬

坐倚巴邱俯洞庭君山一十二峯青不聞修竹來仙  
吹但有孤鴻送客舫欲辨水天惟北斗若當風雨卽  
南溟舊遊浩渺如春夢兀看酈元注水經

和李退翁侍郎讀水經注憶洞庭之作

汪琬

曾持使節遠揚舲  
落木層波共杳冥  
澤畔有人哀郢  
客雲中何處降湘靈  
雨過斑竹千叢緣  
潮落芳蘭兩岸青  
回首舊遊今阻絕  
不堪寂寞對遺經

和李退翁侍郎讀水經注兼憶洞庭之作

王士禛

相思何處折芳馨  
望斷黃陵舊日亭  
秋水依稀聞落  
葉楚天彷彿見揚靈  
洲邊子戍三春綠  
樓外君山一帶青  
太息雲中君在否  
不堪重問道元經

和李退庵侍郎讀水經注懷洞庭之作

巴陵縣志

卷之二十八

藝文

十三

王士正

楚望經時入窅冥  
岳陽樓上數峯青  
曾臨南極浮湘  
水坐對西風憶洞庭  
斑竹想從春後長  
落梅猶向笛中聽  
新詩吟罷愁多少  
腸斷當年帝子靈

同阮亭先生遙和李侍郎讀水經注憶洞庭韻

盛符升

聞說巴陵倚洞庭  
君山如畫見圖經  
岷峨雪盡寒潭  
碧雲夢波連湖草  
青九派微茫看楚澤  
數峯彷彿擁湘靈  
知君回首曾遊處  
遠思蕭然入杳冥

洞庭月泛

張文炳

平湖七月儼涼秋不夜帆檣穩趁流萬里太清涵  
浸百年青草落扁舟樓臺隱見蛟龍語環珮從容帝  
子遊便擬巴陵澆斗酒君山飛看一螺浮

君山紀遊

李 卷

洞庭水所歸豁達萬物覩風霆任斥麾日月供吞吐  
浮址猶蕩平橫濤亦震怒九溪屬附庸七澤推盟主  
有山屹然尊中流獨砥柱更無峯作隣欲與天爲伍  
朝霽龜鼉擎夕晦蛟龍輔遂稱之曰君國人莫不與  
勝蹟何鬱紆奇聞軼往古霧宿軒轅臺霜侵堯女墓  
柳毅傳淚緘樂巴挹香醕又云呂仙翁荷衣及草履

巴陵縣志

卷之二十八

藝文

十四

大醉岳陽樓朗吟倏飛渡在昔多遊人屈指安可數  
自非抱夙緣山靈輒見拒唯予耽林泉名勝鑄肺腑  
嘗謂未徧遊有如聳若瞽策蹇入羅浮扶筇歷天姥  
始擇於武夷築室岩頭住君山久繫思庶幾旦暮遇  
因之有遠行脂轄而適楚駕言應其招良與山有素  
急欲陟彼巔勃勃孰能禦時維秋氣驟涼飈驅炎暑  
迺挈雨前茶復邀雲外侶買舟涉烟波臨眺廓眉宇  
曠景娛知音浩懷忘逆旅亭際坐未休低徊不忍去  
拊摹讀舊碑嘯咏琢新句繪出洞庭圖什珍入遊譜

題君山

李 卷

我聞洞庭五湖長，雀入爲蛤，水泱泱，氣蔚瓊樓十□  
重浪掀貝闕，三千丈。君山湧出勢峻嶒，砥柱中流□  
不崩，夜靜月明天籟發，晝陰雲黑，神物憑湖山待我。  
開生面，清波沐浴和風扇，一幅漣漪翦。作裳千層鬣，  
隼簪爲弁，古來遺蹟數如星，只有湘妃淚，尙熒題壁。  
姓名隨隱顯，敢將遊記託山靈。

望洞庭湖

李 卷

湖水淼無際，君山一葉浮。渡雲疲欲歇，載月濕將流。  
浩曠爲胸設，空清與目謀。悠然生靜悟，恍是縱虛舟。

洞庭舟次

李 卷

巴陵縣志

卷之二十八

藝文

十五

遨遊非挾策，搆訪在遺文。扇影搖湘澱，衣痕帶楚雲。  
禹碑孤嶂見，妃瑟半江聞。毋曰舟中寂，微吟至夜分。

洞庭秋二首

王爲壤

吳楚東南一葉通，寒光皛皛畫圖中。百川烟島神仙  
氣，千里雲帆海國風。草泛遠香分杜芷，水多丁戶載  
魚蟲。釣鈎江上清秋月，輸與滄浪八十翁。  
千里湘帆一艇孤，幾番風雨憶勾吳。秋連星斗波明  
滅，水簇峯巒翠有無。三戶人烟皆楚望，九歌心事半  
蒼梧。烟光極目誰相對，惟有生涯舊酒徒。

登岳陽樓

趙申喬

洞庭八百水悠悠浩渺連天一色秋作楫西來悲有  
溺登樓南望慶安流湖平更覺晴光遠霧淨今看灝  
氣收贏得楚天無點綴長留冰鑑照芳洲

岳陽樓舊址賦贈蘇太守

楊兆傑

岳陽樓已委荒芊太守風流玉局傳乍掃荆榛羅鼓  
吹定招雲鶴下神仙千鍾酒注三江水一葉舟浮萬  
里天眼底湖光書不盡君山倒影入前川

澤畔吟弔屈左徒

龔仲文

君山黯碧愁雲濕嗚陽羣笑猩猩泣靈風神雨橫江  
來楚纍游魂亭亭立貝宮骨冷魂不死芳根迸斷湘

巴陵縣志

卷之二十八

藝文

十六

蘭葢夢澤白茅與天齊荃蕙菘菹蒹蒹辨誰是盲瑩淚乾  
竹斑老土花漠漠埋芳草血痕淪地斲劫灰何處青  
憐凝瑪瑙雲和澀調不忍彈江月有聲瘦蛟寒嬋媛  
慘澹遲北渚怨魄空聞爲余嘆冰夷傲睨不可訴冤  
咸號咷靈胥怒幽憤抗詞動紫皇鬼巢翻傾元精鑄  
九章懊儂復惱公南國哀響中古風輻軒折軸素王  
萎來者矜能注魚蟲我願洞庭水化爲巴陵酒長虹  
爲舌南箕爲口噏吸隴胡虬龍吼涸澤紛拏鼃鼃走  
讀騷不須更問天玉棺纍纍葬神仙

岳陽中秋夜集飲達旦

龔仲文



薄暮停殘雨筵開月正明花香分酒氣鴈陣達秋聲  
不覺添衣冷難忘永夜清那知杯在手簷下出雞鳴

巴陵山居

龔仲文

避名不欲歷三台爲覓雲窩自往回結屋披風刪細  
草補牆和日築蒼苔只因花路多人到故把松門對  
水開雖欲抱琴山外去依隨猿鶴叫聲來

遊白鶴山過岳忠武祠

龔仲文

遠帆多帶暮天霞水廟蒼涼白日斜細石軟沙江岸  
路春風開遍捲旂花

新秋登岳陽樓

楊柱朝

巴陵縣志

卷之二十八

藝文

十七

天水互爲根雲氣歸一樸何人鑿混沌元始受雕琢  
烟雲任吐吞日月共浣濯卽此一卷多氣已蓋五嶽  
落落曠士衷衆山不能學庶幾筆墨功可以資商榷

洞庭蜃樓歌

有序

楊柱朝

月令雉入大水爲蜃蜃卽大蚌也墨子云楚  
之明月生於蚌蜃其胎謂之珠胎淮南子云  
珠胎與月盈虧月死而螺蚌焦又云蚌聞雷  
聲則厥兵書云東海出氣如鼉渭水出氣如  
蜃蜃形似蛇而大升庵云今寺門金剛風調  
雨潤手執劍者風也彈琵琶者調也執傘者

雨也手如蛇者蜃也蜃潤同音風土記云洞庭湖中有巨蚌深夜展一殼如帆吞吐明珠與月爭色洞庭之蜃樓宜矣今登州海市每歲於四月出見刻期不爽比者湖心時見蜃樓歲以爲常余適在郡城見之出沒高下變幻殊狀自申至酉移時乃散郡人驚爲怪事予思湖海一氣沉湖中巨蚌自古誌之理氣所召無足怪者爰作歌以紀其事時康熙甲子四月二十五日也

我聞東海出氣如鼈吐渭水出氣如蜃布湖海由來

巴陵縣志

卷之二十八

藝文

十八

一氣同川嶽精神不自固洞庭八百浩淼中一片奇光相與過青螺十二掩其峰幻作闔都與烟樹中有浮屠勢臨空大山小山疊無數碧紺蒼青無端倪觀者如堵色驚怖逞歲所見更絕奇冠蓋車馬咸趨赴湖心巨蚌明月珠風土所記似非誤蚌之大者厥惟蜃山川自昔爲呵護天人理氣本無殊庸愚那得知其故從此湖光奪海光東牟未許稱獨步

秋日湖濱晚眺

張春穀

黃葉辭江樹紅霞逼寺門烟生天地合日落水雲渾  
瀨淺月無跡沙虛風有痕歌聲何處是裊裊出漁村

春日郡城郊行九首

二錄

張春穀

把酒西亭望湖光  
落酒卮天低青入水  
柳倒綠平池  
已悟真中幻何分  
妍與媿人生行樂耳  
不醉得毋癡

其二

向浦搽幽蕙沿溪擷  
野蔬杜蘅藏睡鴨  
花影戲遊魚  
風緩波聲細烟消  
岫色舒此中多逸趣  
我欲買山居

君山

張春穀

煙波秋泛洞庭空  
十二芙蓉落鏡中  
好雨東來三面  
白夕陽西去一邊  
紅月明有客吹長笛  
良夜何人理  
釣筒不信山靈  
秦火後尙留赭樹  
撼西風

巴陵縣志

卷之二十八

藝文

十九

過洞庭湖阻風

楊敬儒

昔聞洞庭之水八百里  
一船過渡十斗米  
巨瀾時時能覆舟  
多少白骨堆湖底  
我來三月上長沙  
岳陽樓下興方奢  
江豚突吹山獍嘯  
千舸萬艘盡停櫂  
壯年豪氣挽天河  
揮袂欲與波臣傲  
纔入洪濤日色冥  
飛帆瞬息到湖心  
湖心浩瀚無涯際  
水色天光連一氣  
四顧烟封不見人  
翻疑世上更無地  
倏驚西北起風雷  
勁如萬馬奔騰來  
層峯雪浪兼天湧  
一葉孤舟指顧摧  
長年老丈飛魂魄  
哀顛聲聲叫水伯  
平生忠義膽不輸  
開弓一箭波間坼  
挂帆無恙狂風止  
倔强書

□竟不死滿船乍覺笑顏開回頭一想愁翻起□□  
柳將軍湘夫人湖上千秋號水神胡爲悶坐君山裏  
水怪妖氣不一巡旌陽山人去雖久斬蛟化蟒豈無  
倫不然精衛之鳥能填海一盃勺水刻可改秦皇之  
威能驅石鞭策荆衡在咫尺莫將白浪任縱橫歸來  
好看湖山碧

酒香山

涂天相

漢武好仙術天下趨若鶩今日獻醴泉明日獻甘露  
君山傳美酒濃香若嬌乳煙霧爲麴蘖風雷頻蒸煦  
樂巴馳騎來數斗珍同護滑稽曼倩生竊飲酣睡去  
巴陵縣志

卷之二十八

藝文

二十

君威甚嚴重能不畏震怒臣死酒非仙仙酒臣不懼  
千載付一笑玩弄等孩孺豈知諧謔中片言生主悟  
古人重諷諫東方乃其庶

過洞庭

涂天相

萬頃煙濤飛渡難輕舟初試意閒閒天垂四面如粘  
樹波湧孤颿欲駕山何必桃源絕塵世始知衡嶽隔  
元關五湖君長橫南北擊楫乘風破客顏

過洞庭

夏立中

天地形如卵就中誰開斲倚棹登鴻濛勢若坐空殼  
當空白日浮又疑玉在璞八柱何穹窿二儀啟帟幄

世人每笑張騫幻安得乘槎到河漢今日冥茫接太  
虛仰視河漢猶有岸天蕩蕩水悠悠鄉關目斷不勝  
愁我來漢江溯流六百里萬山到此忽然止回顧君  
山數點青飄飄出沒如萍芷森然西望更無窮不識  
坤輿凡有幾野霧天涯近悲風日暮催森馳飛驟雨  
騰踏走驚雷巨靈怒逐千峯滾河伯奔鳴萬馬來我  
欲上觀開闢運更欲下撈劫灰燼長歎百年中擾擾  
勞方寸誰知竟日裏忽已窺網緼窺網緼在須臾致  
身縹緲入雲衢此去更登衡岳頂堪嗟牖下書生終  
日觀天如在井

巴陵縣志

卷之二十八

藝文

二十一

秋過洞庭

劉定基

洞庭秋思滿帆影自東西水濶烟光迥天高日色低  
蘆花千澗雪菰米一丸泥何處砧聲起湘雲怯鼓鼙  
過洞庭湖

高文洵

萬頃空無際波光欲到天山川帆外盡日月鏡中懸  
急浪如奔馬孤舟欲跼鳶一身勞百慮對此正茫然

雨過黃陵廟

宋俊

寂寞黃陵廟湘流兩岸分雨迷歸鴈影風颭狎鷗羣  
斑竹千年淚蒼梧一片雲洞庭猶在望天樂共誰聞

九日獨登岳陽樓

袁奐

洞庭湖畔水連天四望秋聲更渺然斷石荒 今□  
字空林落葉舊山川青帘斜動征帆外黃菊雙開淚  
眼邊廊廟江湖無限意凭欄不獨爲秋憐

君山

石嵒森

峯巒十二聳山靈萬頃波光一點青孤鶴夕陽高岸  
唳老龍明月滿湖腥丹鉛已失軒轅鼎蔓草空餘帝  
女亭我欲穿崖尋竹杖樵人指點說南屏

黃陵廟

徐世佐

一片浮雲渡水西春山如畫日初低鷓鴣不信蒼梧  
遠飛向黃陵廟裏啼

巴陵縣志

卷之二十八

藝文

二十二

洞庭湖櫂歌三首

朱丕戴

白馬磯前湖水深白笛山頭鐵笛吟忽聽女兒唱歌  
去山長水遠杳難尋

緣篔青筠碧灣遷初熟黃梅雨滿天結得青絲千縷  
□□須折柳串銀□

岳陽十月不曾涼雷未收聲虹未藏昨日江南新到  
客白羅衫子葛衣裳

洞庭秋二首

有引

黃秀

歲在甲寅昆明肆逆六軍進勦五載方克奔  
走山林昌擊亂離作此記之

秋光黯淡渺無垠鯨浪橫翻漲□瀕帝女墓前霜□  
散子京樓畔雨初新班師舞羽推虞夏索酒焚書笑  
漢秦南服猶然多險阻徒勞車馬雜征塵  
九派汪洋湧碧流孤城雄鎮踞巴邱笳聲競奏濤聲  
亂漁火新添烽火愁幾欲懸旌秦塞上何時洗甲楚  
江頭關山望月明如許蘆荻蕭蕭天已秋

康王廟古松

鄧 壑

久依成友伴瀟洒拔青霄有節無妨直雖花不近妖  
鶴巢迷密葉雲影接長條閱盡閒桃李隨風只自飄

上大雲山

鄧 壑

巴陵縣志

卷之二十八

藝文

二十三

幽樓十載足雲煙更訪人間別洞天驢背晴光眞浩  
浩楓林秋色倍娟娟浮生空惜風塵老末路難忘山  
水緣濟勝於今猶有具解鞍沿澗到峯巔

壬申中秋登鷄鳴山憶先仲兄次篋戊午同宿

寺中看月

鄧 壑

巖桂秋中歲歲芳撫時感舊意難忘重登鷲嶺賒明  
月徐入花宮禮梵王不定煙雲隨聚散迭更寒暑任  
炎涼鴈行久斷無消息迴數聯牀十五霜

仙人橋晚眺

鄧 壑

冬煖偏宜減敝裘遊情鄉思兩夷猶斜陽旣去紅留

□□月初生白到樓幾曲清流穿石澗一行鳴□□  
沙洲等閒翹首雲山外落葉驚風起暮愁

秋日泛舟洞庭

楊兆儒

乘秋鼓枻洞庭邊日暮孤霞接遠天  
颭水芙蓉搴木末凌風蘆荻亂帆前  
雲棲羣岫蟠螺髻烟點平沙落  
鷺拳欲弔湘靈何處是蕭疎竹露已涓涓

過洞庭湖水甚小

袁枚

我昔舟泛洞庭烟萬頃琉璃浪拍天  
我今舟行洞庭雪四面平沙浪影絕  
昔何其盛今何衰洞庭君笑來  
致詞請君將身作水想消息盈虛君  
自知君昔來遊巴陵縣志

卷之二十八

藝文

二十四

可有胸吞雲夢意君今來遊可是心  
波不動時春自生冬自槁須知湖亦  
如人老

過洞庭

袁枚

秋老一峯晴巴船過洞庭水搖天地  
白山入混茫青□氣飛蓬背霜花落  
鴈翎今朝吟不得牕外有龍聽

岳陽樓

袁枚

岳陽樓望水無涯萬里荒荒白浪開  
氣象果然吞八表神仙豈止醉三回  
靜聽鐵笛聲吹過動覺魚龍影  
上來幾點君山雲外立擬乘風去訪  
蓬萊

二妃廟

袁枚



翠輦雲旗古殿高黃陵風色草蕭蕭碑先啟母傳靈  
蹟歌繼皇娥落碧霄穿井能教夫壻出渡江不許祖  
龍驕千秋姊妹分湯沐天與瀟湘水二條

渡洞庭

歐陽暹

萬水湖光碧晨煙乍有無鷗同青嶂小舟與白雲孤  
天地開名勝魚龍宅巨區凭窻時一笑直擬到蓬壺

秋夜岳陽贈友

傅大綬

讀罷吟秋句蕭蕭問夜闌草衰羣露白秋老碧天寒  
有興樓同上敲詩月未殘忘年君似孟愧我不如韓

己酉冬重過君山口占

趙城

巴陵縣志

卷之二十八

藝文

二十五

扁舟一葉覺身輕冷水寒烟過洞庭惟有君山不改  
舊向人猶是昔年青

過洞庭

徐象婁

孤棹巴陵路茫茫白浪吞江湖分楚蜀雲夢接湘沅  
水與長天合山隨落照昏沈寥空悵望慷慨欲無言

岳陽懷古

羅文綱

半榻蓬牕靜三江暮景懸秋高塞北鴈雲斷嶺南船  
落日登樓興含情去國年平湖煙水在悵望楚山前

射蛟臺

君山五十五錄

徐昌支

偶臨殪蛇邱登此射蛟臺老蛟拔浪聲如雷漢皇□

弩安在哉我欲斬蛟涸此水歸取長劍騎鯨來

碧落亭

徐昌支

絕頂連碧落平湖淨雲煙水氣茫茫白到天銀河歷  
落星辰纏崑崙平圃去咫尺坐邀王母觴羣仙

秋月亭

徐昌支

我來未及秋登亭想秋月湘妃明鏡玉臺高照破清  
虛白銀闕有興今宵看月歸一鈎纔挂蟾光沒

湘妃廟

徐昌支

湘水信有神傳疑叢往牘黃陵廟對蒼梧雲忍使英  
皇塋魚腹千林筍籜泪斑斑誰挽湘江洗湘竹

巴陵縣志

卷之二十八

藝文

二十六

岳樓賓館

汪師韓

名樓側畔架修椽落徑新開錦砌邊風轉一帆明霽  
日筵鋪四座隔塵煙思添好句唐音近手補遺文宋  
代前駐節留題多達者最傳勝事滿南天

乾明寺訪歸源上人

費元傑

直透重關入禪房春草榮此間空五蘊何處覓三生  
坐久茶烟細談深塵尾輕遠公能愛客獨我愧淵明

洞庭湖

費元傑

玉露金風咽暮蟬白蘋紅蓼醉江烟無邊水國涼生  
早不碍平湖月到先清夢每隨歸燕杳秋聲遙聽塞

□傳相看惟有湘山好一點青螺鏡裏懸

曉霽登岳陽樓舊址和韻

費元傑

大觀猶在劫樓非石磴苔封客到稀萬頃濤聲喧暮  
雨千門夜氣靜朝暉雲間句得瀼湖寺芳草詩傳黃  
鵠磯山水文章原不朽浮沉何用轉歔歛

洞庭竹枝詞十六首

三錄

高爵尙

雨前雨後采茶忙嫩綠新抽一寸香十二碧峯春色  
好和烟摘取鬪旗槍

夕陽村裏是儂家門外青山一帶斜好比阿儂頭上  
髻朝朝波面照菱花

巴陵縣志

卷之二十八

藝文

二十七

青草湖寬風浪多拍來銅斗聽儂歌漁家弱息休言  
小拍浪兒能拜浪婆

宿岳陽樓

楊錫紱

楚天中扼古名樓極目西南萬頃浮巴蠖曾聞吞象  
骨白沙依舊護龍洲半窻旅夢三更月一枕濤聲午  
夜秋使節明朝仍遄發願隨甘雨到潭州

宴集岳陽樓卽席留別黃郡守

阮學浩

勝地名材自昔傳麓疎心眼漫生憐不堪忙似隨陽  
鴈却許清同抱葉蟬煙樹依稀迷楚澤雲鬢縹緲墮  
賓筵他時明月重相憶別□遙憑杜若牽

登磊石山望洞庭歌

劉兆鵬

三楚之國雄南紀形勝直翻地軸起上有衡麓盤紆  
七十峯下有洞庭周回八百里洞庭水匯九派澄南  
首湘陰北巴陵孤舟四望無涯涘磊石一柱獨峻嶒  
山根下插無終極山徑上與紫虛凌林木杳冥寺門  
迴高叫羣仙同坐頂秋風蕭蕭秋色蒼巨浸泱漭與  
天長洪濤撼日日欲落明霞片片漾奇光奇光倒入  
寒空底蛟室龍宮宛可指誰探龍珠觸龍怒馮夷擲  
鼓綠雲徙鴈去影寂寂雲夢不可卽一點君山青飄  
浮何處立我聞軒轅昔南巡樂奏鈞天漢水濱又聞  
巴陵縣志

卷之二十八

藝文

二十八

帝子常鼓瑟淚洒湘竹風景新懷往哲思遺跡不見  
澤畔行吟時惟有漁人代相易漁人盪槳疾若風迢  
迢銀漢去何窮須臾月出回羣棹舉網巨鼈載滿篷  
烹鮮酌酒清歌發歌聲直向雲端徹欲詢滄浪一老  
翁星辰燦爛烟波濶

洞庭二首

金德嘉

空濛疑太古溟滓入虛無漠漠黃陵廟茫茫青草湖  
星躔從水濶鳥影際天孤一夕安能賦瀟湘渾畫圖

其二

雲夢爲襟帶君山一羽毛五行偏積水二氣漭生濤

烟雨湘靈瑟風雷楚國騷涼秋應漸涸臨眺尙滔滔  
弔岳陽樓故址  
郭遠

萬里波光一葉秋眼前不見岳陽樓青楓搖落江城  
在白草依稀麋鹿遊天地無情空晝夜古今有恨任  
沉浮月明今夕還聞笛曾否仙人在上頭

再□洞庭

郭遠

洞庭秋水濶浪汲白於銀憂樂江湖客浮沉名利身  
懷歸荒稼圃欲濟老風塵閒看汀洲鶴飛鳴過巨津  
登岳陽樓望洞庭和嚴觀察韻  
薛澍

洞庭波浪撼城隈更上層樓眼界開帆影半隨雲氣  
巴陵縣志

卷之二十八

藝文

二十九

沒雷聲偏趁晚濤來草迷芳渚英華歇兵燹荒郊鴻  
鴈哀自古重湖雄楚甸欲尋軒樂漫徘徊

登岳陽樓二首

龔學海

高樓百尺俯層瀾駐馬登臨此大觀三楚地連雲夢  
迴五湖天入洞庭寬中年白髮馳驅迫  
盛世蒼生  
衽席安誰似牧之風韻好古梅花下獨盤桓

翹首飛仙去不回振衣歡白日邊來煙縈極浦青成  
蓋雲疊遙峯翠作堆范老文章少陵句湘靈聲曲楚  
騷才汀蘭岸芷何時發我欲臨風酌酒杯

岳州黃使君洞庭全圖歌

盧鵬

誰翦洞庭一片水移來張挂畫堂裏排山倒海天地  
搖開眼頃刻八百里岳陽一樓插湖邊萬家烟火相  
毘連嵯峨十二青螺小屹立湖心何縹緲其餘峯巒  
不記名出沒烟波次第呈往來湖中估客艘乘風破  
浪片帆輕我來湖上頻撙討岳陽名勝時傾倒回首  
襄陽與少陵能將邱壑歸懷抱今披此圖作臥遊髣  
髴置身岳陽樓畫中有詩更奇絕千態萬狀開素秋  
新安黃公守斯土三年岳郡歌召杜特將餘事寄丹  
青雲夢能吞亦能吐乃知畫家結構精衡陽許子稱  
神明波濤洶湧生筆底匹練如聞風浪聲

巴陵縣志

卷之二十八

三十

江岸鐵械

盧鵬

洞庭稱澤國鐵械鎮湖濱浪齧形難化沙沉跡未湮  
以刑齊水族懸象傲波臣却怪龍宮闕傳疑悞後人

秋日登君山

黃文瑗

纔泛平湖又入山一山高插水中間新秋滴翠瀟湘  
雨門掩波光盡日閒

萬石湖守風

費應泰

微雨連朝暮風高不放晴吹殘五夜夢吼動一湖聲  
路近書難達更深酒易傾詰朝新霽未支枕曉窻明

登岳陽樓故址

費應泰

猶有大觀在何須百尺樓乾坤仍吐納氣象自春秋  
波冷名山外帆迷古渡頭向南多少鴈叫破一天愁

洞庭湖

謝濟世

淼淼洞庭波扁舟幾度過未知身是蟻焉識郡爲柯  
四面天連水中心鼇戴螺兒童莫驚駭大塊一微渦

宿岳陽樓和楊撫軍韻

謝仲玩

斗極平臨百尺樓蜺旌高擁夜光浮風聲勁入蘆花  
岸露氣清歸杜若洲天倚重城當一面地連五渚壯  
千秋憑欄杜父恩波在竚聽歌謠起十州

剪刀池觀荷和黃郡守韻

謝仲玩

巴陵縣志

卷之二十八

藝文

三十一

百廢興餘闕一池過遭樹帶古來姿江山盡麗城陰  
秀樓閣環爭夕照奇永叔泉香清入酒右丞畫意遠  
生詩揚芳恰喜芙蕖好箭箭開連不早遲

巴陵郊行

方宣試

山勢從東折遠景自寥廓一往無端倪崦嵫隨起落  
斜日綴峯腰斷雲落崖角明暗相推引光風屢前却  
池影吹夕陰衆籟起暝壑青燐出衆墟寒鴉棲林薄  
行行遶前村燈火鳴蟋蟀霍然啟雙扉偃我草元閣

登岳陽樓望洞庭和嚴觀察韻

黃凝道

岳陽形勝水之隈萬頃玻璃望眼開帝子已隨流水

逝湘靈猶逐好風來傳書橘老濤聲壯鑄鼎臺空猿  
嘯哀回首昔賢行自愧偃虹隄沒重低徊

剪刀池觀荷

黃凝道

公餘重闢剪刀池種得新荷別樣姿幹出波心塵不  
染香生水面遠尤奇三年守土慚無績一念勤民賸  
有詩今日臨風須盡興碧筒當盞莫教遲

月下自君山泛歸

黃文理

咫尺分山水游心盡入舟亭空江樹冷帆動浪花浮  
鐵笛收雲霧寒汀集鷺鷗衣闌清籟發歌管最高樓

洞庭湖

黃文理

巴陵縣志

卷之二十八

藝文

三十二

八百滔滔開楚甸三湘浩浩勢奔騰陰陽翕闢千山  
轉海嶽迢遙萬派澄光動斗牛波似雪冥含烟霧氣  
如蒸白沙青草羅斑竹蛟室龍堆孕化鵬鼓盪層雲  
天際曉飛來片白地中稜乾坤蕩漾漚頻泛今古循  
環浪疊興雨洗一泓江樹合月融虛壁玉壺凝浸花  
潤葉風恬靜蘭鷁希光楫可乘

登岳陽樓

江昱

層樓高敞壓崇墉壯觀東南九派鍾千里波濤涵日  
月半空欄檻動魚龍仙人夜笛臨風迴帝子春山帶  
雨濃本自置身憂樂外不嫌雲夢芥心胸



洞庭湖歌

吳 鴻

大湖何茫茫乃在巴陵之西瀟湘之東奔流會九水  
積氣涵鴻濛汪洋演漭八百里日月沐浴經其中上  
有湛湛虛廓之青天下有百怪譎詭之靈宮黃河東  
走不敢敵直與滄海分元工朝開遠烟碧夕射流霞  
紅老蛟鼓鐵笛軒帝磨青銅陰晴明晦各異狀但見  
雲濤滉漭點點飛征篷曉發湘浦暮臨巴峯遠洲滅  
沒高樓巒嵒湘君之山藐獨立翠鬟十二青朦朧九  
嶷雲氣望不極至今清淚留斑叢何況涇水妹霧鬢  
傷丰容錢塘一怒萬霆發柳生座上真英雄咄哉書  
巴陵縣志

卷之二十八

藝文

三十三

生作水伯母乃別有精靈通古今荒怪類如此奚論  
樓上恍惚餘仙蹤高振雲中衣俯納萬里風生不願  
明璫綃縠笑語逢亦不願白雲黃鶴凌虛空江湖天  
遠百端集懷古忽復心忡忡茫公作記元氣融高壓  
詩筆張燕公風烟千態入豪素憂樂萬古蟠心胸我  
心何爲不古同長安極北雲山重便欲呼吸一氣訴  
真宰長與湖水吐納無終窮

熊明府傅巖贈君山茶賦答

吳 鴻

龍團鳳餅隨所遭岳州舊說黃翎毛武陵七縣誰最  
好瀕湖風味誇含膏君山縹緲洞庭上片石吹落崑

崙高雙丸吞吐百寶出秀茁靈苴蒸雲濤山僧菽口  
如菽粟露芽春蕊手自挑筒之以紙代箸裹時候使  
節飛輕舠我昨登樓作茗飲別來清夢盈江臯巴陵  
才人庾嶺宰分我鄉味如投桃開嘗一碗潤喉吻已  
覺兩腋風颼颼綠蘋吹香斑竹怨彷彿帝子和雲璈  
史聞此山出仙醞我渴不學東方饜品泉一勺近可  
汲撐腸千卷聊自豪瀟湘遠思長在目望而不見心  
忉忉從君更爲乞湘管細註香草添離騷

岳陽樓懷古

吳鴻

天岳名區控制長春深萬里濯滄浪盪胸氣擬無雲

巴陵縣志

卷之二十八

藝文

三十四

夢憂國人還憶廟堂南浦帆隨沙鴈落西風笛送晚  
雲涼湘娥楚客皆蕭瑟叢竹斑深岸草荒

君山遊覽歌

方應和

洞庭天下稱名勝十二青螺銀盤定浮生塵海日奔  
忙老大未遂登臨興有客招邀訪山靈盈盈一水盪  
空舲赤沙西連渾無際波濤澎湃喧雷霆東風帆飽  
疾如矢頃刻飛渡三十里雲煙縹緲樹扶疎瞥覺蓬  
島眼前時艤舟龍口踏莎行瘦僧如鶴走逢迎丈室  
風翻松濤冷半甌香泛茶煙輕閒從山隈尋古蹟井  
畔石欄圍老橘精藍崇刹榜有緣福地曾傳第十一

捫蘿彳亍步崔嵬白雲鬢鬚拱高臺鑄鼎乘龍不可  
見殘碑繡蝕封莓苔石磴斜穿嵐氣繞朗吟亭邊舒  
遠眺忽聞款乃發湖中疑是飛仙起長嘯日暮牆頭  
棲烏亂欹枕無眠魂夢斷鐘聲梵唱振耳傍起視殘  
星天欲旦凌晨浥露拜湘妃竹泪斑斑翠染衣蒼梧  
鑾輿不復返祇今遺像生歔歔竹塢雲深日停午酒  
香遺事傳漢武可是春來花氣妍好掬山泉當仙醺  
更聞石穴通吳山欲騁遊屐意盤桓窈窕幽岫傳虛  
響蒼茫更覺洞庭寬辭僧下山放櫂轉回首壺嶠青  
一片雪鴻認爪知何時離情脉脉相眷戀

巴陵縣志

卷之二十八

藝文

三十五

月夜泛洞庭

費志學

皓月生殘夜輕舟下洞庭波澄逼星漢天濶小滄溟  
沙見龍堆白山分岳麓青湘流似瑤瑟清響玉玎玲

二橋墓

費志學

割據紛紛浩劫前美人黃土劇堪憐只今銅雀春何  
處一種香魂泣杜鵑

登岳陽樓

王文治

萬頃春聲捲浪花孤舟晚泊天之涯岳陽樓頭無事  
坐洞庭水試君山茶

宿岳陽樓題壁

吳樹萱

江帆不動湖冥冥曉樓坐對君山青雙眼睇入□□  
界鷺拳一足殊伶仃篋鳥頭前齒齒石鹿角峯尖沙  
尾赤天風吹我西南行恨不一舸掉湖月巴陵城西  
客醉眠朗吟何處尋神仙早晚時有南風船一葉萬  
頃凌茫然

典試粵西重題岳陽樓

吳樹萱

茲樓擅奇勝曠遠接天長一覽八百里資沅微澧湘  
曉來跋馬雲松嶺模糊一片浮嵐影稍聞遠籟作濤  
聲疑雨疑風路旁引湖山到此忽開晴睽眼一霎浮  
空明君艚遙對盪明鏡綰結雙鬟殊有情西風沙洲  
巴陵縣志

卷之二十八

藝文

三十六

點白鷺破煙漠漠飛空去憑欄一碧俯江光要眇帆  
檣落雲樹停輶猶記昔年曾歲月龍梭感不勝相逢  
重揖餐霞客笑我吟髭似雪增

守風鹿角三日偕徐湘浦同舟風定放棹逾刻  
卽次岳陽賦此以志回輶之興四首

吳樹萱

三朝風信阻黃牛鹿角峯前使者舟忽聽鷄聲催喔  
喔五更漁火篋鳥頭

東南吳楚盪空舲一霎烟波過洞庭欲與江天分主  
客重來長揖曉山青

書畫同舟望若仙四圍攬盡楚南天誰將北苑圖  
意寫出蒼茫萬頃煙

城頭塔影在空濛無數帆檣落鏡中一隊鷺鷥飛不  
定蘆洲水淺雨花濃

宿青岡驛

吳樹萱

行到青岡驛平田忽砑然犁勻烏特雨水泛白蘋煙  
木末看飛鳥溪均欲放船湘鄉清絕處長傍水雲眠

岳陽樓見月

姚姬傳

高樓深夜靜秋空蕩蕩江湖積氣通萬頃波平天四  
面九霄風定月當中雲間朱鳥峯何處水上蒼龍瑟  
未終便欲拂衣瓊島外止留清嘯落湘東

巴陵縣志

卷之二十八

藝文

三十七

阻雨湘妃祠下作

查禮

祠古瀟湘岸征帆信宿留雲山非故國風雨逼孤舟  
氣淨南天瘴涼生衆壑秋客懷何寂寞未及事冥搜  
月夜再渡洞庭將曉風狂幾不得近岸

查禮

三年經兩渡一葉去如梭月小光無際湖寬水自波  
不知天遠近數問夜如何破曉驚風驟披襟且放歌

夜泊岳陽口占

查禮

頻渡湖湘客思多岳陽樓上洞庭波空江殘夜無漁

火寒月滿船聞櫂歌

岳州

秦 瀛

一水包南紀濤聲撼岳州  
星辰翻地濕漢沔接天流  
跨鶴誰橫笛懷人獨倚樓  
巴陵昨夜酒應醉洞庭秋

晚過岳州

秦 瀛

縹緲飛樓不記年當窻湖水欲吞天  
三更醉聽巴陵雨四月寒生夢澤船  
納納乾坤成老大茫茫今古問  
神仙不知何處招黃鵠鐵篴數聲人扣舷

曉登岳陽樓

秦 瀛

重俯蒼茫日未升危欄獨倚最高層  
五更鮫蜃仙山現九派魚龍水氣蒸  
巨浸西來吞下雋亂雲東望走  
孱陵道人只管瞢騰睡滿枕風濤喚不膺

湘江竹

伊秉綬

洞庭渺無際天末見修竹風聲動微波  
秋氣森寒玉一聽水龍吟何處仙鸞宿  
不傍堯女祠爲誰娟娟綠

甲子二月量移閩臬得

旨入覲汪容川攝篆岳州偕僚屬餞於岳陽樓用昌  
黎別竇司直韻見贈依韻奉答 韓 對

脫身掃墳委洗耳謝譙讓置酒最上頭  
高會天所放自我來湘中跼蹐不可狀  
齟齬兩大間承接失背向

巴陵縣志

卷之二十八 藝文

三十八

況復縮雙符官聯畏冗長跋胡尾又寔牽髮頭爲□  
迴思官白雲意氣亦云壯六州鑄一錯嫌疑成兼兩  
一朝忽捨去內媿職司曠何當集羣賢滂勞設祖帳  
碧香酒清泠白紵歌跌踢情深感汪倫送我尤惻愴  
先生本經師說經無理障獨闡宣聖旨一空諸家傍  
昔簪史臣筆磚影視天上清廟陳瑚璉不數盆與盎  
餘事作詩人體物極瀏亮雄堅峙長城細膩出纖纒  
要當鬪韓豪未足王孟況謂宜草中和文彩四海瀆  
黃鐘撤細響巨海迴狂漲胡爲事奔走頗失中朝望  
大才可小試吏事復曉暢浦珠久寂寥君到獨惆悵

巴陵縣志

卷之二十八

藝文

三十九

歲發芄萑兵豈曰癬疥恙交南逋逃藪此禍誰實釀  
但抱蒲鞭慚漸聞襦袴唱三年報最成鯨鯢半醢醬  
我時持蕩節隱憂豈敢忘與君立談頃精悍覺神王  
峩峩冠頭嶺高與龍尾亢羌無陸賈金差免馬援謗  
沅湘復同舟天假理非妄數奇操持堅獄繁忠信仗  
卽今攝劇郡摘伏杜欺誑親民在賢令練軍得儒將  
固宜相佐理庶政期了當潮平柳毅祠淚灑湘娥葬  
滯予北去舟一葉駕高浪庸懦悞國是屢荷  
聖明諒量移指海邦猛省自懲創碁枰錯黑白楚弓  
均得喪詔許對闕廷天意觀所尙爾我一臭味

共此寒乞相試與問津梁還將經義餉他年閩楚口  
治行互一訪

登岳陽樓醉歌

韓 對

洞庭春色爲誰至昨日晦冥今日霽不見朱軒繡棋  
照城頭而我不登殊負仙靈意憑欄曠望何所見萬  
里微茫但一氣層層高浪駕長空葉葉征帆亂天際  
九疑雲接蒼梧煙白蘋綠芷空芊綿重瞳一去迷歸  
年英皇血淚何時乾不如醉倒樓之巔浣花無人謫  
仙死袞袞羣公孰繼起我欲手拔鯨牙腳踏龍尾飄  
飄凌紫霞捕逐大荒裏玉樓金闕可望不可攀二公  
巴陵縣志

卷之二十八

藝文

四十

精靈竟何是手持一盃酒醉呼回道人世間萬事殊  
恍惚不若酒中之味旨且真安得湖波盡變爲玉醇  
一日滿斟三百巡登樓爛醉忘其身笑殺邯鄲枕上  
真苦辛

巴陵長湖村謁南雷二將軍廟 韓 對

雷將軍披六矢南將軍斷一指城頭屹立身若山座  
上淋漓血盈几睢陽門下兩男兒毅魄忠肝汗青史  
巴子國據東南夷洞庭連天接九疑地去睢陽奚啻  
千餘里姓氏爵邑非所私云何建廟傍湖渚歲時伏  
臘走村兒乃知死忠死孝至性在天壤頑廉懦立不



以遐荒遺我來瞻拜獨憑弔饑饉竄空山鬼嘯循□  
剔蘚讀殘碑紹聖年間曾奉詔迄明末造基僅存村  
落險遭賊火燎豈知精爽千秋實式憑鐵馬雲車儼  
來到重新廟貌垂至今不斷鼎爐香火燿嗚呼將軍  
生落豬龍魄死後宜令狐兔奔年年擊鼓烹雞豚神  
兮福我永保千家村

渡洞庭

韓 對

劈箭挾長風茫茫萬頃中波搖大地轉氣混九江空  
屈賈魂何在英皇恨不窮故教排雪浪噓吸古今同  
辛酉九月宿青岡驛次亡友吳二少甫樹萱壁

巴陵縣志

卷之二十八

藝文

四十一

間韻

并序

韓 對

少甫詩爲戊午典試粵西作旁有錢太史福  
昨伊比部秉綬題筆誌年月甚詳蓋兩君亦  
於是歲爲楚南主試距今已三易寒暑而少  
甫歸泉下又一年餘矣挑燈細讀惋悼久之  
因追步其韻以誌人琴之感

當年題壁人何在零落殘□澁蘚紋忽忽音塵成宿  
草依依態度尙春雲過門幾輩留遺墨彈指三年走  
隙曛擬賦招魂續楚些碧天無那鴈行分

甲子二月重過青岡驛疊前韻

韓 對

此地當年成信宿  
陂陀曲逕認苔紋  
壁間塵滅籠紗字  
屋角山封拂樹雲  
行脚半生眞過鳥  
停驂一飯又斜曛  
不堪重聽山陽笛  
消得飛鴻爪半分

岳陽樓次壁間吳少甫韻

韓 對

煙雨空濛客滯留  
七年三上岳陽樓  
風波如此行不得  
羨煞天邊萬里鷗

甲子正十有一日岳州署守汪容川司馬招同

別駕丁薌溪大令申佩雅遊君山

查 淳

福地稱十一良辰  
數與侔連年嗟負約  
此日喜同遊

巴陵縣志

卷之二十八

藝文

四十二

水落波光靜煙開  
雨氣收春移空翠  
逼遙映岳陽樓

其二

君山作砥柱澧浦繞湘陰  
三楚天荒處千秋帝子心  
人間花甲改竹上淚痕深  
青眼留相顧何愁白髮侵

其三

頻年居泛宅宦海接長沙  
聽鼓湘靈瑟言停星漢植  
湖光含杜句月色吐梅花  
玩此無邊景憑添望眼賒

其四

余年今七一甲子又逢春  
司馬青衫舊同人白社新  
□□消遣地不作苦吟身  
八月歸期迫還來此問津

送韓桂齡廉訪入 覲用昌黎岳陽樓別竇司

直韻

汪 注

部婁附泰岱成高自不讓河海收細流千里匯雄放  
觀卦得澤山虛受眞其狀銀漢使星輝疇昔奉清向  
觀察徧高廉按部圖書長滄瀛水不波碧落雲寧妨  
觀山旌旆□銅柱摩挲壯泛海掣長鯨檻車不計兩  
莠鋤苗乃植民熙地無曠畫角寒金風羣僚簇玉帳  
清樂追坡仙吟情更跌踢五月瘴雨愁獨爲天涯愴  
自公攝外臺百川由之障暨公赴京華官民失依傍  
鷓蟀幾換聲計吏復北上癡燕認舊巢坐與春風盜

巴陵縣志

卷之二十八

藝文

四十三

燕山一片雲朝暎照逾亮匪直飲醇醪匪直挾綿纈  
鴻爪印雪泥每懷難自況九天用作霖文鷁湘中養  
南楚沛恩波洋溢同春漲繡衣指螺江又慰閩人望  
帝念九州同肯予一隅暢極知去來因下走獨惆悵  
吏事老霜髯鳩拙恒自恙羲爻手一編擷菁等蜜釀  
心摹十翼旨說引百家唱蠡測洵堪嗤終不計覆醬  
墨灸與筆針結習殊未忘不朽感叔孫念之神猶王  
至哉四聖言乾坤爲批亢易雖重一觔无咎從疑謗  
豈無憂患情反身消諸妄理定數亦隨悠悠安足仗  
辱公知最深信我語無誑昌黎百代型寧僅騷壇將

德立言與立遇合蘄攸當草沒屈原宅鬣封魯肅  
湖水泛桃花瞬息翻巨浪君山點青螺黃陵跡誰諒  
希文未記前此樓屬誰創浩然起長歎都與齊得喪  
宦海不繫舟仁者無以尙卽今趨螭垆已卜

天心相綺陌飄赤幢綴詞效芹餉長此葵藿心矢將  
經義訪

### 君山行

汪 注

龍飛甲子月孟陬龍節洞庭君山遊自注歲甲子正  
月十日陪觀察

查梅舫先生往遊先 是時水壑陸可進飛車倏過巴陵洲君山

山以湘君顯黃陵古廟山之幽自注今湘陰境內有  
黃陵廟亦無韓碑此

### 巴陵縣志 卷之二十八 藝文 四十四

既稱君山又在湘漢碑晉碣渺不見昌黎篆刻難尋

求緬昔重華憫昏墊九江殷使伯禹謀南條已合雲  
夢澤東陵逕下岳陽樓觀型帝子早釐降脫厄成聖  
稱有由此邦自應思德澤南征不及語謬悠古蹟傳  
久多傳會韓公所論誠獨優我欲再刻黃陵石斯文  
至德昭千秋山中廟寺三五處攬勝皆爭天際流惟  
有二妃廟代古遡始虞夏較商周芙蓉倒地開如畫  
斑竹緣山淚未收水光望去與天遠蛟蜃帖服魚鼉  
浮鳴呼明湖開玉鏡頃刻能生萬古愁不見荆榛三  
尺豕波翻風怒聲啾啾

登岳陽樓次少陵韻

汪 注

洞庭望不極懷古上南樓地與空爲界天將水共浮  
揮絃翔去雁倚檻送行舟舊句惟工部眞稱第一流

陪查觀察遊君山

丁 鈺

帝子歸何處螺鬟望裏收漁歌青草渡牧笛赤沙洲  
杜若香爲國篴箴影上樓斯游逢異數畧分共尋幽

陪查觀察遊君山三首

申同祐

策杖尋山麓招提幾處經疎鐘僧院靜叢竹古祠扃  
細雨融沙徑輕寒逼洞庭莫言城市遠遙指郡樓青

其二

巴陵縣志

卷之二十八

藝文

四十五

清讌張林杪湖光到酒卮山靈如有待裊屐此追隨  
花氣巡簷久茶烟入座遲諸君盡仙骨宜續朗吟詩

其三

筍輿歸路晚詩思望中收月暗平沙濶烟昏遠樹稠  
人聲喧隔岸燈火亂中流忽動江南想寒潮載野鷗

岳陽樓晚眺

陳文煜

波落洞庭秋秋光上客樓帆檣三面轉星月一湖收  
想像仙人迹依稀帝子遊君山何處是隱隱翠螺浮

洞庭漁歌四首

一錄

劉 濟

輕舟逐水等飄萍長日生涯在洞庭還趁晚涼頻下

網歸來搖動一湖星

重濬剪刀池

陳玉垣

巴陵城外雲水窟巴陵城中水不足樓下肩摩擔汲  
忙罌貯瓶藏供飲沐去年秋旱冬更甚雨不能求思  
掘井一仞二仞錘鑿窮拌將人力攻頑梗瓦屋鱗鱗  
坡復陀空教樹裏湖光暎城中僅有剪刀池昔日淪  
漣今積泥朝來荷插百夫集深廣還令如舊規此池  
向以形得名如刀鏞澁待磨瑩居民慎弗汚此水水  
濁有如心不清老夫朝朝公事畢還來緩步繞池行  
要看新栽桃柳樹花花葉映池生

巴陵縣志

卷之二十八 藝文

四十六

岳陽樓二首

陳玉垣

一上高樓一爽神千秋勝概到今辰氣蒸波撼常如  
此後樂先憂有幾人皓月當空聊舉酌扁舟隨處可  
垂綸半年匏繫初心在猶是天涯老病身

湖山與我最多情每到登臨眼獨明駭浪飛花衡嶽  
雨孤雲落日鼎州晴高吟適有潛魚躍靜坐如聞奏  
樂聲堪惜忠魂無處奠却教羽客踞華楹自注余謂岳楊樓當

奉屈左徒栗主以杜子忠義文章宜享名勝令人瞻岳忠武王配食諸君子忠義文章宜享名勝令人瞻

仰有以扶掖名教若呂洞賓像城南舊有以扶掖名教若呂洞賓像城

登岳陽樓

周 鏗

又見平湖八月秋西南空望水天浮神仙說醉寧  
酒過客何緣屢上樓怪爾君山青在眼感余衰髮白  
盈頭憑欄慙作凌虛想脚底湘波萬古流

石墨流泉

天馬山八景錄一

閻廷清

清溪羅怪石森然成奇境石上古松盤幽泉下峻嶺  
涓涓漱碧潭溶溶涵日影豈必絲與竹潺湲自可領  
酌來滌煩襟沁入心脾冷

和白竹寺禪宗上人山居原韻十首

錄二

彭應慧

塵淨緣風掃僧歸只犬知空庭雲漠漠小閣日遲遲  
巴陵縣志

卷之二十八

藝文

四十七

得地君偏樂消閒我亦宜自今居止悉來往不爲期  
其二

□喜紅塵遠從知俗客稀一牛當面立雙鶴入秋肥  
卷幔收朝爽凭欄送夕暉天涼風欲起還掩小窻扉  
立冬前一日宿岳陽樓醉後題壁

周寧遠

北風連日勁作意送殘秋月色初沉水波聲正撼樓  
湖山遺醉夢天地寄浮漚快倡飛仙句能消萬古愁

岳陽樓月夜聽韓小舟彈琴

周寧遠

清絕西城夜煙雲一望收琴彈洞庭月人倚岳陽樓

應有潛魚聽能消客子愁曲終羣籟寂檻外颯寒流  
青岡驛題壁  
李于培

曉發巴陵城山行苦逼窄盤旋困馬蹄登陟歷嶺脊  
自朝至日午始達青岡驛山村三五家欹斜傍巖石  
迤西陂稍平誰營一畝宅屏幃因峯青藩籬藉雲白  
四面無居鄰千章列松柏西軒尤爽豁放眼少阻隔  
苔經淺綠滋萍池深翠積館人慎掃除於焉欣永夕  
解衣鋪枕簟科頭去冠幘涼風時一來習習生兩腋  
偕行有素心蒼梧秉玉尺壁間覽題句俯仰感今昔  
相對情不禁把酒共浮拍

巴陵縣志

卷之二十八

藝文

四十八

岳陽樓二首

李于培

何必更觀海此間爲水難江湖萬頃碧雲夢一杯看  
月下湘靈瑟風前屈子蘭登樓頻極目直北是長安  
其二

葉落洞庭秋停驂人倚樓數峯青不斷兩水碧交流  
荆楚空中盡衡湘杯底收仙人應愛此一醉一勾留  
洞庭秋月  
趙又昂

疑是湘妃鏡入波光蕩漾秋來九水明湖底連天上  
登岳陽樓  
宮去矜

昨夢登黃鶴今朝儀岳陽樓頭坐超忽日脚下青蒼



可以窮三楚因之望八荒誰能使飛渡振袞嘯雷□  
郡城晚望

楊秀

暮色橫江淡欲愁百年生事等浮鷗閒情莫盡古今  
意征鴈一聲天地秋遠樹蒼涼連極浦平湖浩渺入  
寒流憑軒最愛煙波外淺水蘆花不繫舟

遊大雲山

孫試鵬

策杖度重山危巖不易攀藤蘿緣石壁鐘磬出禪關  
竹塢人孤往松巢鶴未還夕陽天際落湖湧斷霞間  
重登常山

童大年

名山愛客渾忘形又檢爐鑄上翠屏兩度來遊秋已  
巴陵縣志

卷之二十八 藝文

四十九

老百年興感客重經雲中斷嶺孤撐碧雨後長天一  
洗青惆悵美人湖水濶願貽香草託湘靈

立秋日遊桃花庵

童大年

泉聲山色總秋思閒倚孤雲憇坐時何處飛來桐一  
葉山靈疑遣客題詩

遊灘湖寺

李大珩

南湖一片水雲封古寺來遊策短筑山掃蛾眉當戶  
淡雨梳螺髻隔江濃黃翎初試春前茗白鶴猶巢舊  
日松閒掬井泉心可洗烟林裊裊送疎鐘

青岡驛

張五典

石路盡苔斑重銜過斷山森沉杉樹崦散漫藕花灣  
林鳥羣驚起田家半啟關湖雲趁宿霧又送雨潛潛  
洞庭春漲到來遲步履寒汀路半欹涌髻芙蓉倒青  
碧懸壺宮觀鬱參差僧寮撥火供清茗雲壑披榛讀  
斷碑免誚愛山心未至凌濤並擬跨桃枝

君山

張五典

朗吟亭

張五典

來和咸池舊樂聲翛然劍佩御風輕道人何不空文  
字半是耽吟半紀行

君山懷古

萬圖南

巴陵縣志

卷之二十八

藝文

五十

朗吟何處問仙靈勝比方壺隔渺溟水濶風翻三楚  
白天開螺擁數峯青湘妃留怨猶聞瑟屈子沉波尙  
有經日暮湖烟飛作雨西風吹上綠蘿亭

泛洞庭

顧言行

似欲凌雲去重湖放艇遊只疑天在水眞乃芥爲舟  
滄海幾同量瀟湘盡合流滔滔東逝者不洗旅人愁  
舟發洞庭暴風卒至

顧言行

泛艇忘湖險陰風突怒號水連雲脚近山遜浪頭高  
四顧無天地中流一羽毛恃余忠信在憑此涉波濤

將至巴陵卽事

李樹穀

石徑盤陀接古陂長松夾道好風吹地連雲夢入春  
後行近洞庭歸鴈時積氣浮空常浩渺諸峯帶雪遠  
參差遙遙轉過平橋畔忽見梅花橫一枝

夜渡洞庭

李樹穀

岳陽樓下片帆開直走長風疊浪堆萬里雲陰遙夜  
積四垂天水一舟來浮空雨氣鼉鼉上震耳濤聲霹  
靂迴才到凌晨湖已過碧湘入目興悠哉

岳陽樓感懷

釋智安

欲淹名勝地驚失故山期千里湖天渺孤舟客夢遲  
昔人不可見芳躅尙堪追無限登臨感寒風落日時

巴陵縣志

卷之二十八 藝文

五十一

過洞庭望君山

釋海聰

君山頂上布金沙僧舍重開古梵家我欲停帆無住  
著竟將身世等浮槎

阻風洞庭

徐廷鑑之妻節婦見楚風補

杜氏

烟雨淒迷失岳陽孤篷小住洞庭旁石尤有意吾能  
說不許人間鎮日狂

岳陽樓集唐百首

錄五按集句始於傅咸非詩家正體第裁穀集腋亦見匠

心附錄數首以備一格又可見名勝留題無美不備也

彭範

翡翠爲樓金作梯李白青山常對捲簾時李嘉祐雲門自

繞軒臺外麻温芳草春深帝子祠李羣玉裊裊東風吹

水國

無名氏

娟娟西月生蛾眉

廉氏

物情多與閒相稱

獨立蒼茫自詠詩

杜甫

對水看山欲暮春

劉長卿

一螺青黛鏡中心

雍陶

千秋釣

舸歌明月

杜牧

幾處閒花映竹林

張謂

青草浪高三月渡

張泌

蒼梧雲疊九疑深

齊僧己

仙人有待乘黃鶴

李白

半夜

猶追白石吟

陸蒙龜

樓上風光似去年

麻其

初聞征鴈已無蟬

李商隱

溪風

送雨過秋寺

張泌

沙鳥帶聲飛遠天

李羣王

帝子夢魂煙

水濶

韋莊

巴陵漁父掉歌連

張志和

誰人正得風濤便

崔塗

疑是乘舟到日邊

張說

巴陵縣志

卷之二十八

藝文

五十二

碧城十二曲欄杆

李商隱

棟宇崢嶸燕雀遷

周岳秀

樓上

北風斜捲席

崔珣

洞庭秋水遠連天

劉長卿

川原繚繞浮

雲外

盧綸

木葉偏飛楚客前

麻其

莫把羈魂弔湘魄

張泌

古碑無字草芊芊

李羣玉

洞庭水落騷人哀

李白

竹葉閒傾滿滿杯

韋莊

垂地寒雲

吞大漠

方干

遠城波色動樓臺

溫庭筠

巴人淚應猿聲落

劉禹錫

估客船隨返照來

杜甫

看處便須終日住

吳融

欲題

風韻輒徘徊

楊源

岳陽樓集唐三十首

五錄

陳杰

城上高樓接大荒

柳宗元

遙天漠漠水茫茫

包和

寒雲曉

散千峯雨許 旭日晴開萬頃光李 湖口浪花吞漢沔

陳陶 海門帆勢極瀟湘許 年來吳楚常為客方 一半生

涯在岳陽劉滄

洞庭春盡水如天柳宗元 獨上江樓思悄然趙嘏 青草浪

高三月渡張泌 綠楊晴拂萬條煙黃滔 興來吟咏徒成癖

白居易 樂在風波不羨仙張志和 學取青蓮李居士譚用之

將錢買酒白雲邊李白

水物輕明澹似秋皮日休 天光雲影共悠悠劉禹錫 江豚

初起浪如屋韓愈 山雨欲來風滿樓許 涼氣漸多炎氣

少譚用之 遠帆將落近帆收李咸用 世間變態誰能測魚元

巴陵縣志 卷之二十八 藝文 五十三

機 又見斜陽下楚邱武昌妓

巴陵一望洞庭秋張說 渺渺湖光繞郡流唐彥謙 曲岸有

花皆近水許 好雲無處不遮樓羅隱 新愁舊恨憑誰說

雍陶 事去人亡蹟尚留劉長卿 聞道神仙不可接張說 片帆

孤影去夷猶李郢

上盡層樓更上樓李商隱 一天寒氣聚南州竇鞏 風吹雨

色連村暗法振 樹夾河聲繞郡流姚揆 去鴈遠衝雲夢雪

李 啼猿多傍木蘭舟許棠 楚江自古多離怨張泌 安得知

音共唱酬目温

登岳陽樓

附錄 安南貢使

一簇層樓矚碧虛人間惟有畫圖如近城樹影搖窻  
綠遠剝鐘聲到檻疎霧借山光吞去鳥客從鏡裏數  
歸漁行行鴈字天邊寫知是平安報信書

論曰正史藝文載書目不及篇章成法也志則  
微異一□之藝文一邑之事蹟存焉未可盡以  
史法□也且自唐宋以來范致明岳陽風土記  
外關於此邦文獻者不多觀何論漢魏明興邑  
人士擅著作之才者如郭永清之黃源稿顏公  
忠之仕優集謝樞之素軒集余坤之月田漫稿  
趙弼之通鑑雪航膚見效顰集胥文相之石泉

巴陵縣志

卷之二十八

藝文

五十四

稿及所編岳陽洞庭諸集莫不家握楚珩人懷  
荆璞矣乃稿經兵燹率多不傳其他漶滅於秦  
坑楚炬蠹粉劫灰者又何可勝道哉茲所採輯  
或紀山川風土或述沿革廢興或抒寫時事或  
詠懷古蹟取其與志相表裏亦不必盡此都人  
士之所作也顧舊志摭羅未備茲不啻什伯而  
倍蓰之蓋邑挾湖山之勝操觚者雲夢足以拓  
其胸洞庭足以壯其氣蘭芷足以發其艷軒鼎  
仙酒足以舒其奇故所得較他邑爲夥是亦篇  
什之珠澤文采之鄧林也已

卷二十八終